

S'Bluemehuus von Lena Gretener

Es esch emol en Maa gsi, dä het Mark gheisse. De Mark esch scho überall of de Wält gsi. I allne Städt und allne Länder. Deheime het de Mark es Buech gha wo alli Bluemo wos of de Wält ged drinne send. De Mark het alli Blueme gha. Vo de Söiblueme bes zo de Violablueme. Vo normal bes zo sälte. Die sälteschti het är aber nonig gha. Nämlich s'Bluemehuus. Also esch de Mark nomol i alli Länder ond Städt gange ond het d'Lüüt wo är gseh het gfrogt ob sie wössid wo s'Bluemehuus esch. Niemert hets gwösst. Bis de Mark de Ju troffe het. De Ju het em Mark en Karte gäh om s'Bluemehuus z'finde. S'Bluemehuus esch in Australien gsi. Wo de Mark endlich det gsi esch, esch en Maa usem Bluemehuus cho. Was är nämlich ned gwösst het esch, dass s'Bluemehuus es Huus us Blueme bauet esch. De Maa hed Julien Bam gheisse. De Mark het de Julien Bam gfrogt was är för s'Bluemehuus wet ha. De Julien Bam het gseit: I want 1000 Dollars! Wo de Mark die 1000 Dollars i de Händ gha het, het de Julien no gseit: Flowers are dollars to me. I want 1000 flowers, no money. Also esch de Mark nomol überall of de Wält häre ond het nomol alli Blueme wos ged gsammlt ond het sie im Julien gäh. Thanks het de Julien gseit ond em Mark d'Huusschlüssel för s'Bluemehuus gäh. S'Bluemehuus esch riisig gsi ond het 100 Ruum gha. Wo de Mark denn endlich zöglet gha het, het de Mark gmerkt, dass s'Bluemehuus viel z'gross för ihn eleige esch und het dankt: Ich cha no anderi Lüüt sueche wo au gärn Blueme hend. Also hed de Mark wedermol en Wältreis gmacht. Bevor är aber of d'Wältreis gange esch het är Flyer gmacht zom Bewerbe. Denn esch är of d'Wältreis gange ond het d'Flyer verteilt. Är esch emmer es betzli i de Länder blobe. Är het nämlich verschieden Flyer gmacht, för jedes Land en andere Flyer. Als erschts het är sech Amerika vorgno. Det het är de Mike könne glehrt. Am Schloss het de Mark de Batschi, Bin, Finn, Tschin, Mii ond de Bam ond no veli Lüüt meh wo Blueme gärn hend könnt. Wo de Mark ond die andere weder bim Bluemehuus gsi send het de Mark de andere s'Huus zeigt. Ond wenn sie ned gstorbe sed läbet sie no höt em Bluemehuus.